



甘露軍荼利菩薩供養念誦成就儀軌

唐三藏沙門大廣智不空奉

詔譯

甘露軍荼利菩薩供養念誦成就儀軌



清刻龍藏佛說法變相圖

甘露軍荼利菩薩供養念誦成就儀軌 卷六

唐三藏沙門大廣智不空奉 詔譯

歸命金剛手 密主大菩薩 能說最上乘

令速證菩提 甘露軍荼利 能摧諸魔障

以慈悲方便 現大忿怒形 成大威日輪

照曜無邊界 業六 修行者暗冥 速得悉地故

流沃甘露水 洗滌藏識中 熏習雜種子

速集福智聚 獲圓淨法身 故我稽首禮

我今依密言 微妙理趣教 說甘露儀軌

阿闍黎先擇 修密言弟子 淨信三寶者

愛敬於大乘 渴仰瑜伽教 好修菩薩行

其心不怯弱 求學相應門 捨身命及財

無厭憊惓惓 族姓具諸根 多聞護正法

愛樂六度行 愍念諸有情 常被大誓甲

盡度無邊界 一切有情類 令疾證菩提

阿闍黎若見 如是法器者 方便而勸誘  
 先當為演說 微妙菩薩道 善巧般若理  
 速疾菩提路 然與受三歸 令發菩提心  
 次授與三世 無礙三種戒 菩薩之律儀  
 方引入輪壇 授與本所尊 持明諸灌頂  
 應示曼荼羅 告令三昧耶 從今至成佛  
 勿捨菩提心 恭敬阿闍黎 等同一切佛  
 猶若執金剛 於諸同學處 深敬不輕慢  
 從師受金剛 及受金剛磬 為求悉地故  
 乃至菩提場 常持不應捨 親對灌頂師  
 具受本尊教 決定無疑謬 然後勇進修  
 修瑜伽者從師受得本尊儀軌已當於閑靜  
 處或於山林幽谷諸教所說勝上之處建立  
 淨室或於精舍若於塔中淨治其地以瞿摩  
 夷塗拭又白檀香塗曼荼羅或方或圓隨意

大小以諸名華散於壇上塗香燒香飲食燈  
 明闍伽隨力所辦陳設莊嚴當於室中安本  
 尊像面向西修瑜伽者面向東全身委地作  
 禮奉獻已身諸佛菩薩攝受為主宰密言曰  
 唵一引薩縛怛陀孽多二布惹引鉢囉合鞞多  
 曩夜三多麼合南你哩夜合多夜彌四薩縛  
 怛陀孽多室者合地底下以切瑟綻合擔引  
 薩縛怛陀孽多訖穰合喃阿引尾捨覩六  
 誦此密言作是思惟盡十方一切世界微塵  
 刹土諸佛大海會皆有自身於一一聖眾前  
 捨身奉事由密言加持故蒙諸聖眾皆悉攝  
 受又應五輪著地作禮復想自徧禮一切如  
 來及菩薩足密言曰  
 唵引薩縛怛陀引孽多二播引娜滿娜喃迦  
 路弭三

由此密言加持故能令瑜伽者不起于座徧至十方真實敬禮一切塵刹海會諸佛如來次應右膝著地合掌當心閉目運心徧觀虛空有無量無邊塵刹海會諸佛菩薩集會降赴瑜伽者所又想已身對一一諸佛菩薩前持種種塗香旃香華鬘燒香天妙飲食燈明寶炬奉獻一切諸佛菩薩不起此座愍念盡無餘有情界漂流六趣由自心虛妄分別迷於真理作諸不善感招異熟種種苦果觀於人天趣耽著五欲求不得苦於諸天趣作變易苦以妙覺華開敷善提心觀於寒冰地獄以焚香氛馥遠離寒冰之苦於餓鬼趣中以天妙加持飲食願彼等充飽遠離慳吝之業觀於修羅傍生趣色無色界心器矯誑瞋恚之心更互殘害及耽著三昧味以我般若燈

明悉除彼等惑纏則於佛海會前虔誠發露三世之障隨喜一切佛菩薩聲聞緣覺隨喜三世福德智慧資糧則觀無量無邊界雜染世界中一切有情類皆證無上正等菩提又想已身於一一諸佛菩薩前請轉無上法輪久住於世莫入涅槃瑜伽者即結跏趺坐或半跏隨意而坐修瑜伽者不應執著外淨常以勝義自性清淨法水洗滌身心如理相應誦清淨密言三徧

唵一引娑嚩 合二婆引嚩 唵 鉢 鐸 二引 嚩 嚩 嚩 達 莫 三引 娑 嚩 引 婆 引 嚩 引 鉢 鉢 度 憾 四

如金剛頂瑜伽經中說 淨心為澡浴身口意金剛 菩提心為先 淨心為澡浴利樂修行者 即取塗香塗二手合掌當心即結如來部三

昧耶契如未敷蓮合掌即以進力忍願上節  
以禪智各附進力側結成印已誦密言入瑜  
伽作意觀一切如來徧滿虛空願加持我又  
想從印流出無量光明照觸盡無餘一切有  
情速證平等真如以此佛三昧耶契速證瑜  
伽願一切有情證得究竟大菩提密言曰

曩莫三漫多沒馱南一引唵二引他三引孽妬納

婆二合野娑縛二合訶三引

由誦結契作意等同如來當獲具相三十二  
無見頂相三身圓滿以契安於頂上隨便解  
散

葉六

次結蓮華部三昧耶印

又芙蓉合掌當自胸前檀慧禪智並豎餘六  
度散開屈如八葉蓮華結成印已誦密言入  
甚深大悲瑜伽三摩地觀滿虛空界觀自在

菩薩與無量持蓮華者願加持我復起此觀  
從印流出無量光明照觸六趣有情根本藏  
識中雜染種子獲得自他平等無緣大悲速  
得如幻三摩地隨類六趣示現種種身四無  
礙解脫具六十四種梵音圓音頓應一切有  
情以成佛道密言曰

曩莫劔麼擺播拏曳一引唵二引鉢納謨二合納娑

二合縛引也娑縛二合訶三引

由此印密言加持故等同觀自在菩薩當獲  
十地十自在三種意生身以此契安於自口  
上解散

次結金剛部三昧耶印

二手相背檀慧禪智互相又結印成已誦密  
言入菩提心三摩地觀徧滿虛空界金剛手  
菩薩與軍荼利無量忿怒眾集會願加持我

葉六

五

復想從印流出無量光明照觸一切有情不定趣異生趣向二乘速成大菩提密言曰

曩莫三滿路縛日囉合二赦一引唵引縛日囉合二

引納婆合二縛引也娑縛合二訶引

由誦結契作意不久當得金剛薩埵身口意

金剛能說密教教令輪以作盡無餘有情上

中下悉地速疾頓證悉地因便以此印當自

心前解散

復作是念盡無餘世界中有無量無邊有情

雖發無上菩提之心雖積集福德智慧資糧

闕瑜伽智慧方便加持妙法退失善根諸魔

得便云何為彼引入解脫輪為一一有情說

三密瑜伽微妙大乘速疾頓獲世間出世間

殊勝悉地果報發如是心則成被大誓莊嚴

甲冑則結金剛明王最勝印內縛忍願並伸

以進力二度屈如鉤當忍願初節背如三股

金剛杵形禪智並伸直附忍願側密言曰

唵引縛日囉合二喂你合二鉢囉合二捨引跛跢

合一也娑縛引訶引

以此印額左右肩心喉等五處頂上散由結

此印誦密言作意則成被金剛甲冑身同金

剛明王威光赫奕無量無邊金剛族種者侍

一切障難及不善心有情無能侵害上於虛

空界乃至下風輪際所有空行地居下毗那

夜迦等類皆起慈心不能為障礙修密言行

菩薩

次應結金剛輪菩薩印誦密言以入曼荼羅

者受得三世無障礙三種菩薩律儀由入曼

荼羅身心備十微塵刹世界微塵數三昧耶

無作戒禁或因屈伸俯仰發言吐氣起心動

念廢忘菩提之心退失善根以此印契密言  
 殊勝方便誦持作意能除違犯愆咎三昧耶  
 如故倍加光顯能淨身口意故則成入一切  
 曼荼羅獲得灌頂三昧耶應結契誦七徧以  
 二手內相又進力並伸直忍願纏進力初節  
 前各以峯相拄禪智並伸直當心誦密語曰  
 曩莫悉底哩也合四地尾合二邊引南一引怛佉引  
 孽跢引南二引間尾囉爾尾囉爾三摩訶囉日  
 哩二合娑跢娑跢五娑囉帝娑囉帝六怛囉  
合以怛囉合二以七尾馱麼你八三畔惹你九  
 怛囉二合麼底十悉馱引擬哩二合怛覽二合娑  
縛二合訶一引  
 誦密言時作是觀念盡虛空界徧法界三界  
 生死六趣有情速得入金剛界大曼荼羅等  
 同金剛薩埵大菩薩次應身前想於下界風

輪想憾字黑色漸引形如半月徧相稱如風  
 輪當思真實句所謂一切法離因緣  
 次應於風輪上想鍤字白色光明漸引圓滿  
 大小如本水輪當思真實句所謂一切法自  
 性離言說又於水輪上想鉢囉二合字門變成  
 金龜放金色光明漸引廣大無量由句當思  
 真實義所謂一切法勝義不可得以為方便  
 又於空中想欠字門變成毗盧遮那如來當  
 思真實義所謂一切法如虛空佛身色如素  
 月光首戴金剛寶冠瓔珞嚴飾身被天妙輕  
 衣結菩提勝印深起悲愍一切有情被貪瞋  
 癡煩惱火焚燒積集無量不善極惡之業想  
 毗盧遮那佛徧身流注甘露八功德水色如  
 珂雪淋漓六趣一切有情煩惱之火盈滿金  
 輪龜背為大香乳海故當結成就海印十度

內縛仰右旋誦此密言曰

唵引尾麼路引捺地吽二

為成就變化蓮華故當觀覽字門流散赤焰而成火輪其形三角漸引量同水輪忽然之間從金龜背涌出八葉大蓮華金剛為莖廣大無量由旬於華臺中觀阿字門當思真實義所謂一切法本不生從阿字門法界等流涌出蘇彌盧山王為成就妙高山故當結成就寶山王印十度內相交為拳相合豎密言曰

唵引阿者攤吽二

由此印密言三摩地故便成蘇彌盧山王四寶所成七重金山周匝圍遶山間有八功德水山王傍出四跳四天王等天各住本方無量眷屬衛護金剛峯寶樓閣其山縱廣八萬

四千由旬其地平正為令堅密牢固如金剛下至空際應結金剛橛印戒從慧方背開入掌忍入願力間亦然方願峯從檀戒進忍間向外出餘度各以峯相拄結成以誦密言想印成金剛橛散流無量威猛火焰以大指向地釘之一誦一釘至三徧便止即成堅固地界密言曰

唵引枳里枳里二縛日囉二縛日哩二引三滿馱滿馱吽四半音

由此印密言加持故設於念誦處道場地中不依法除一切過患不祥感招種種障難由此印加持故成金剛座天魔及諸障者不為惱害少用功力速疾獲大成就隨心大小稱道場地應知次結方隅



金剛牆印

準前楹印開禪智豎之側如牆形應觀印成  
金剛杵從印流出無量熾盛金剛火焰右旋  
印遶身三轉稱壇大小即成金剛堅固之城  
密言曰

唵引薩囉薩囉二罽日囉合鉢囉合迦引囉

吽發吒三半音

由結印誦密言作意加持故一切諸佛尚不  
違越何況諸餘難調者毗那夜迦及毒蟲利  
牙爪者而能侵陵

兼六

九

瑜伽者又應於須彌山頂觀大寶殿其殿無  
價摩尼所成四方正等具足四門其門左右  
吉祥幢軒楯周環徧垂珠鬘瓔珞鈴鐸繒幡  
種種間錯而為莊嚴彌布殿中微風搖擊出  
和雅音復於殿外四角及諸門角以半滿月

等金剛寶而鈿飾之寶柱行列垂妙天衣周  
布香雲普雨雜華復於外有無量劫樹行列  
諸天競奏衆妙音樂寶餅闕伽天妙飲食摩  
尼為燈作此觀已而誦此偈  
以我功德力 如來加持力 及以法界力

普供養而住

說此偈已即結大虛空庫藏印十度金剛縛  
進力感如寶禪智並伸逼忍願檀慧戒方合  
如幢結是印誦密言想從印流出如上供具  
樓閣等真言曰

唵引誡誡曩三婆罽罽日囉合穀引

以此密言印加持故縱觀不成皆成真實廣  
大供養由此法爾所成故

又於寶樓閣中央觀阿字兩邊觀吽引字是  
甘露軍荼利法身種子字

次於東方觀吽聲短字是降三世法身種子

又於南方觀怛略合字是忿怒金剛藏法身

種子

又於西方觀訖唎合字是金剛軍童子法身

種子

次於北方觀惡字是金剛羯拏右譯云金法剛童子

身種子

即結金剛因菩薩印為令成就教令輪曼荼

羅故普令一切有情冥然入金剛界等曼荼

羅故

瑜伽者則同入一切曼荼羅故得受一切灌葉六

頂故約事業所建立一切曼荼羅成吉祥清

淨不增不減一切如來稱讚故應結金剛因

契及誦密語二手各作金剛拳進力檀慧互

相鉤結印安於自口上誦三徧則成入金剛

界等教令輪一切曼荼羅次安於頂上則成

受一切灌頂復以印按於所建立事相及觀

所成等曼荼羅上則真實如金剛薩埵親建

立輪壇誦此密語曰

唵引縛日囉合斫羯囉合吽二弱吽三鏤斛三

次結金剛寶車輅印

十度內相又仰掌進力側相拄以禪智各捻

進力根下想金剛使者駕御金剛寶車乘空

而往至於妙喜世界誦密言三徧真言曰

唵引覩嚕覩嚕吽引

由此密語印加持故七寶車輅至阿閼如來

妙喜世界大集會中請本尊甘露軍荼利菩

薩并諸大忿怒菩薩眷屬無量諸供養菩薩

圍遶乘此車輅

次結請車輅印

葉六

十一

準前印以禪智向身撥忍願誦密言三徧密

語曰

曩莫悉底哩也合地尾合二迦引南一怛佉孽

哆引南二唵引縛日朗合二儼切你也曩也切二

合迦哩灑合二也娑縛引二合訶引四

由此印密言加持故聖眾從本土來至道場

空中而住

次結請本尊三昧耶降道場印

十度內相又作拳禪度入掌以智度向身招

之誦密言曰

唵引縛日囉合二特勒二合曠係曳合二娑誡

鏤三阿密哩合二哆軍拏里娑縛引二合訶引四

由此密言印加持菩薩不越本誓願故即赴

集會於道場

次應辟除諸魔作障難者當用降三世威怒

眼印密言於兩目瞳人上觀四引字變為日

輪流出無量威光於一一光道上有種種金

剛火焰猛利杵輦眉怒目右旋顧視菩薩大

眾由此金剛怒眼視諸魔隱在大眾中者皆

悉退散以此瞻觀本尊及聖眾咸皆歡喜

次結上方金剛網印

準前牆印以禪智各捻進力下節結印成已

觀印為金剛杵又從印流出無量金剛杵一

一杵皆流出無邊威焰相續成網頂上旋印

三印誦此密語曰

唵引尾塞普合二囉捺囉合二乞叉合二縛日囉

合二半惹攞吽發吒三半音

由此網印密言加持故即成金剛堅固不壞

之網

次結火院密縫印

業六

十二

以左手掩右手背豎禪智結印成已當作此  
觀從印流出金剛熾盛火焰誦密言三徧右  
遶身三帀想於金剛牆外火焰圍遶誦此密  
語曰

唵一引阿三麼喂你合吽發吒二半音

又結大三昧耶印

十度內相又為拳並豎忍願屈進力如鈎在  
忍願兩邊如三股杵形以禪智附進力側右  
旋印三帀誦密言三徧護於火院界外誦密  
語曰

唵一引賞羯禮二合摩訶三麼琰娑嚩二合訶三引

由此印密言加持故如金輪王等佛頂經說  
若有人誦持頂輪王等佛頂五百由旬內修  
餘部密言者請本所尊念誦聖者不降赴亦

不與悉地由一字頂輪威德攝故若結此大  
界設鄰近持誦頂輪王人不能阻礙本尊威  
力所持餘部密言皆速得成就  
次結獻華座印

二手芙蓉合掌禪智各捻檀慧甲為臺餘度

如金剛印成觀業六印為金剛蓮華十三又想從印流

出無量金剛蓮華座奉獻本尊及聖眾等誦

此密語曰

唵一引嚩日囉二合味引囉也娑嚩二合訶二引

由結此印誦密言故本尊及營從則真實各

受得座已

瑜伽者應辦 闕伽二新器 商佉或金銀

雜寶及熟銅 下至瓦木等 充滿盛香水

時華汎於上 二手捧當額 即思惟本尊

軍荼佩身色 瑩如碧玻璃 威光逾劫焰

赫奕佩日輪 顰眉笑怒容 虎牙上下現  
 千目視不瞬 晃曜咸如日 千手各操持  
 金剛諸器仗 首冠金剛寶 龍璽虎皮裙  
 無量忿怒眾 金剛及諸天 圍遶作侍衛  
 觀念分明見 住於曼荼羅 復觀闍伽水  
 流出注本尊 及聖眾二足 能以一滌水  
 成闍伽雲海 普徧諸佛刹 應誦後密言  
 曩謨囉怛曩二合 怛囉二合 夜也一 曩謨囉日囉  
二合 矩略二合 馱引 也二 唵引 娑密哩二合 路軍  
 拏里四 訶娑訶娑五 遏者遏者六 吽發吒半  
音  
 娑嚩二合 訶引  
 由獻闍伽香水故 速獲清淨妙法身  
 次結金剛塗香印  
 加持塗香奉獻本尊及諸聖眾其印以左手  
 握右手腕舒右手五度揚掌如施無畏勢結

印成已誦密語思惟從印流出塗香雲海徧  
 至一切世界盡虛空界法界徧滿一切微塵  
 佛刹大海會聖眾前皆有自身持塗香器供  
 養一一尊而成廣大供養誦此密語曰  
 唵引 馱馱芬里你二 嚩囉塗鉢囉二合 夜儼唎  
二合 恨拏二合 娑嚩二合 訶三  
 由結印誦密言作意速獲五分法身能除一  
 切有情煩惱炎熱  
 次結金剛華印加持諸華奉獻本尊及諸聖  
 眾下至一華皆成無量雲海周徧供養一切  
 聖眾若無華但結此印奉獻其印以二手十  
 度內相又圓屈進力峯相拄禪智附進力側  
 結印成已兼誦密語復應思惟從印流出種  
 種華雲海周徧一切世界虛空界法界徧滿  
 一切微塵佛刹海會大眾前而成廣大供養

誦此密語曰

唵一引菴引邏引馱禮二合囉日囉二馱禮娑囉

二合訶引

由結此印誦密言加持故速獲三十二相能令一切有情菩提心華開發次結金剛焚香

印加持焚香奉獻本尊及聖眾以二手背相

合進力峯側相拄禪智各捻進力側結印成

已即作是觀從印流出焚香雲海周徧一切

世界盡虛空界法界徧滿氛馥供養一切微

塵刹土大海會一一聖眾前皆自身持種種

和合香燒焯案六供養誦此密語曰十五

唵一引度引麼式契矩嚕二囉日哩二合泥娑囉

二合訶引

由結此印誦密言加持故速獲無礙智

次結金剛飲食印奉獻本尊及聖眾以二手

合芙蓉掌結印成已誦密語又應思惟從印

流出無量飲食雲海周徧一切世界盡虛空

界法界徧滿一切微塵刹土佛大海會一一

聖者前成就無限廣大供養若以此印加持

世間微少飲食而成天甘露食雲海周徧奉

獻一切聖者誦此密語曰

唵一引麼攞麼攞二冥伽芥里你三鉢囉二合底

礙侶二恨拏二合囉日哩二泥娑囉引二合訶

五引

由結此印誦密語故速證三解脫味得法喜

禪悅食

次結金剛燈印奉獻本尊及聖眾其印以右

手作拳舒忍度以禪押進甲禪峯捻忍中文

側右旋照即作是觀從印流出無量金剛燈

雲海周徧一切世界盡虛空界法界徧滿一

切微塵刹土佛海會大眾前成廣大供養以  
 此印加持一燈便成無量金剛燈雲海能周  
 徧供養照耀一切佛刹聖眾海會誦此密語  
 曰  
 唵一引入縛二合引二合攞引恭引里你二捻跛式契  
 娑縛二合訶三引  
 由此密語印加持故速獲如來淨五眼  
 次結普供養印供養本尊及聖眾二手十度  
 初分相交結印成已誦密語思惟從印流出  
 種種供養雲海天妙伎樂歌舞嬉戲等天妙  
 衣服飲食燈明業六闍伽賢餅劫樹寶幢幡蓋諸  
 寶等類一切人天所有受用之物眾多差別  
 供養具如大乘契經所說供養之具周徧一  
 切世界盡虛空徧法界一切微塵刹土諸佛  
 海會一一聖眾前皆有真實供養誦此密語

曰  
 曩莫薩縛沒馱冒地薩怛縛二南引薩縛佉  
 引二矢唄娜誡二帝二娑頗合囉四捨誡曩  
 劔平聲娑縛二合訶三引  
 供養已了了觀想本尊兼諸眷屬即誦此讚  
 讚揚聖者無量功德  
 麼訶麼邏引也戰拏引也一尾你也二邏引  
 惹引也娑引馱引馱二訥難上引踰引曩麼迦引夜  
 也三曩麼悉帝二縛日囉二播引拏曳四  
 讚歎本尊已然後布字令自身成本尊三摩  
 地二手金剛縛仰安齋下閉目澄心定慮起  
 大慈心於一切有情願諸眾生速證本尊三  
 摩地威德熾盛壽命神通等同聖者即於自  
 頂上想唵字赤色具大光明照耀十方次觀  
 姆字當心色如珂雪內外照耀如大月輪又  
業六  
十七

觀密哩合字於兩肩上色如虹霓徧照一切  
 世界又觀帝字於齋輪如皓素光明潤澤照  
 於無邊世界一切惡趣次觀吽字於兩脰其  
 色如黃金光明照觸無間惡趣次觀頗字安  
 兩脰其色如玄雲照觸諸修羅速令悟正道  
 次觀吒字安二足掌素色其形如半月流出  
 光明照觸諸外道令捨邪見網歸信於三寶  
 由此布字三摩地自身變成本尊  
 次說本尊身相應觀四面四臂右手執金剛  
 杵左手滿願印二手作羯磨印身佩威光焰  
 鬘住月輪中青蓮華色坐琴瑟磐石正面慈  
 悲右第二面忿怒左第三面作大笑容後第  
 四面微怒開口即結本尊羯磨印  
 智押慧度甲餘如三股形慧手亦如之右押  
 左來臂密言曰

唵引娑密哩合帝吽發吒半音  
 由此密語印加持自身等同甘露尊隨意所  
 樂觀念四臂八臂乃至兩臂千臂住本尊瑜  
 伽三摩地蓋須歷然分明  
 次結金剛部母莽莫雜印  
 二手內相又忍願檀慧禪智並伸如三股金  
 剛杵形結印成已當誦此密言曰  
 曩謨囉怛曩合怛囉合夜也一曩麼室戰合  
 拏嚩日囉合播拏曳二摩訶藥乞合細曩  
 跋怛曳三怛你也合佗四唵引矩蘭馱哩六  
 滿馱滿馱七吽發吒半音娑嚩引訶引  
 如前印自身五處由部母印加持故速得悉  
 地現前一切魔障悉皆遠離人間所有怨敵  
 不善心者皆得摧壞發大慈心向瑜伽者忽  
 見惡夢或不祥事現誦一百八徧一切皆得

卷六

十八



摧壞發大慈心向瑜伽者忽見惡夢或不祥  
事現誦一百八徧一切皆得消散獲大吉祥  
瑜伽者即觀此聖者在本尊前坐蓮華臺頭  
冠瓔珞如天女形左手持五股金剛杵右手  
施無畏勢即想從部母口中流出金字本尊  
密言行列具有光明入瑜伽者口於舌上右  
旋如華鬘作如是觀行已頂上解散此印  
次結本尊三昧耶印

檀慧相交入掌並屈戒方押又間忍願並伸  
進力屈如鈎住忍願初節後如三股金剛杵  
形禪智並伸押戒方背處於忍願間誦此密  
言曰

曩謨囉怛曩合二怛囉合二夜也一曩麼室戰合二  
拏麼賀縛日囉合二俱略引二馱引也二唵引三  
戶嚕戶嚕四底瑟唵合二底瑟唵五合滿馱滿

馱六賀曩賀曩七阿密哩合二帝吽發吒音娑  
縛引二合訶引八

當誦七徧了了分明觀本尊及自身為本所  
尊由此印密言加持故聖者不越本誓授與  
悉地即捻珠安於兩手中如未敷蓮合掌捧  
戴誦金剛語菩薩密言加持七徧密言曰十九  
唵引一縛日囉合二愚上聲四也合二惹引跋二三麼  
曳吽引三

由此密言加持念珠即誦密言一徧移一珠  
即為已誦密言一千徧以二手大指頭指當  
以掐珠餘三指散直左手引珠右手掐珠如  
轉法輪相念誦一百八徧或一千徧若不滿  
一百八徧即不充祈願徧數念誦之時心不  
間斷觀身為本尊誦之時不應出聲不緩不  
急至娑縛合二訶字珠齊畢數限滿已還捧心

珠加持安置

又結本尊三昧耶印誦密言七徧然後結部  
母印誦七徧想從自口中却流出本所持密  
言金字行列入部母口兼所持本尊密言徧  
數乃功德付與部母收掌守護終不散失然  
後結金剛縛定入本尊密言字輪實相三摩  
地即於兩目瞳人上觀覽字色如燈焰微屈  
頸閉目以心慧眼照了心道當於胃臆內觀  
想圓滿菩提心月輪秉現在於身器了了分  
明離外散動由智慧定水澄淨得菩提心月  
影於中現良久心專注一緣即於圓明上以  
心密言右旋一一字布列意誦乃至三五徧  
即觀初唵字一切法本來無所得與義相應  
時但心緣理不緣於字一道清淨徧周法界  
即入第二阿字門即觀一切法本不生既觀

已即入第三密哩<sub>合</sub>字門一切法我不可得  
即成平等真如自性成就恒沙功德次應入  
第四帝字門一切法真如不可得諦觀已內  
有微細能所緣因緣法義即入第五牛字門  
一切法因不可得因無所得故果亦無所獲  
次入第六頗字門<sub>葉六</sub>一切法果不可得<sub>二十</sub>由果無  
所得故即成究竟圓滿法身一切無漏法諸  
所依止即觀第七吒字門一切法本不可得  
由一切法無諍故一切法本不可得由一切  
法無所得故一切法本無生由一切法無生  
故一切法我不可得由一切法無我故一切  
法真如不可得由一切法真如無所得故一  
切法因不可得故由一切法因無所得故一  
切法果不可得由一切法果無所獲故即一  
切法離諍由一切法無諍故獲得清淨無戲

論實相三摩地周而復始由一念清淨心相應故獲得無礙般若波羅蜜無始時來一切業障報障煩惱障一時頓滅十方一切諸佛及本尊現前不久當獲得隨意所樂世間出世間悉地成就現生證初歡喜地菩薩後十大大生證無上正等菩提則從定出二手金剛合掌運心觀本尊及聖眾以微妙讚歎聲調讚揚功德又以五種供養如前運心而獻之又獻闕伽心中所求悉地啓白聖眾惟願聖者不越本誓大悲弘願授與我悉地則以火院密縫印密言左轉解前諸結車輅印想本印想本尊及眷屬乘車輅向外撥忍願奉送聖眾還歸本土妙喜世界密言如前又結前金剛部母以智度向外擲誦此密語曰  
 唵引縛日囉二孽蹉孽繞二婆誡鏤三阿密

哩合跢軍拏里四娑縛合婆縛南引補曩囉引誡麼曩引也那娑縛合訶引五  
 又結三部印誦密言三徧結護身印已禮佛菩薩隨意經行讀誦大乘經典以福迴施一切有情心中所求悉地當願眾生速疾獲得瑜伽者喫食時以部主密言印加持自身五處然後喫食寢息時以部母印密言加持自身五處便易及諸穢處用烏樞瑟摩金剛心密言印加持五處諸魔不得其便速得成就烏樞瑟摩心密言曰

唵引俱路合馱曩吽弱二

甘露軍荼利菩薩供養念誦成就儀軌

音釋

唵音銀勒音瞬音輪音閏音路音婀音娑音尼音禮音焯音職音略音切音拍音爪音刺音也音瞳音徒音紅音切音目音繞音同音